



Yangi O'zbekiston taraqqiyoti uchun birlashaylik!

asr

IJTIMOYIY-SIYOSIY GAZETA

10-fevral 2022-yil 6 (952)



www.21asr.uz



@XXIasrofficial

Gazeta 2004-yil 1-yanvardan chop etila boshlangan

ЭХТИРОМ

Одами эрсанг, демагил одами, Ониким йўқ халқ ғамидин ғами.



Кеча пойтахтимиздаги "Адиблар хиёбони"да мутафаккир бобомиз Алишер Навоий таваллудининг 581 йиллигига бағишланган тантанали тадбир бўлиб ўтди.

ДУНЁ ТАН ОЛГАН ШОИР

Улуғ зотни хотирлаш мақсадида ташкил этилган байрамона кечада Ўзбекистон Ёзувчилар уюшмаси раиси, халқ шоири, сенатор Сирожиддин Саййид, Алишер Навоий номидаги Халқаро жамоат фонди раҳбари, навоийшунос олим Олимжон Давлатов, Алишер Навоий номидаги Ўзбек тили, адабиёти ва фольклори институти илмий ходими, навоийшунос оlima Буробия Ражабова ва бошқалар мамлакатимизда Учинчи Ренессанс пойдеворини яратиш жараёнида Президентимиз Шавкат Мирзиёев ташаббуси билан Навоий меросига улкан эътибор қаратилди.

ётганини алоҳида таъкидлашди. Анжуманда қатнашган туркиялик олим Воҳид Турк Навоий асарлари инсонпарвар ва халқчил ғоялари билан дунё китобхонлари эътиборида эканига ургу берди. Афғонистоннинг Хирот шаҳридан келган навоийшунос олим Азизулло Орол эса "Навоийнинг тили ўзбеки, аммо унинг эзгу ғоялари бутун дунёга тааллуқлидир. Навоийни "Ўзбекларнинг Шекспири" дейишди. Йўқ, мен бу фикрга қўшилмайман. Аксинча, Шекспир "инглизларнинг Навоийси"дир", дея эътироф этди.



ЕТТИ ЙЎЛНИНГ ЮЗ ЙЎЛАГИ



ҚЎШҚАВАТЛИ ҚУМСОАТ

Қумсоатнинг олтимиш сония, икки, беш ва ўн дақиқаликларидан кундалик ҳаётда фойдаланганман. Бир соатлиги борлигини ҳам кўрганман. Демак, турли вақтларга мўлжалланганлари мавжуд. Шунини инобатга олган ҳолда, уч ойлик – чоракка мосини ё ярим йилга хосини тайёрлаб, барча ҳокимлар ва вазирлар хонасининг кўринарли жойига, тилла тақинчоқларнинг ойнаванд қутисига қўйиш лозим. Неғалигини, келинг, мақола адоғида айтсам... Ҳозирча, вақт олтиндан қимматлигини ёдда сақлаб туринг.

Аждодлар закосининг бебаҳо маҳсули саналган қумсоат ташқи омил таъсирисиз тоза ишлайди. Яъни, унга на қувват, на ёруғлик даркор. Текис жойга қўйилса бас – беминнат хизмат. Муддат тугаётганини маромида англади. Аниқликда энг замонавий компьютер техникалари билан тенглашади. Мўъжиза механизм. Ўзи қўшқаватли бўлса-да, биринчи-иккинчи йўқ. Ҳеч қачон оёғи осмонда бўлмайди. Тик туриши таъминлини ва вақтида айлантирилиши кифоя. Тўғри бурчакдан оғиши – сифатга путур. Ётиқ ҳоли – жараёнга масъулнинг сустлиги ва нўноқлигидан далолат.

Давоми 3-саҳифада. ►►

АРЗОН, ҚУЛАЙ ВА ТЕЗКОР!

Энди почтани кутиб ўтиришга ҳожат йўқ. Нашримизнинг электрон версиясига обуна бўлинг.

Бунинг учун телефонингизга "Play Market" ёки "App Store"дан "XXI asr" иловасини юклаб олиб, пул ўтказсангиз кифоя.

Газетанинг электрон обуна нархлари: 12 ойлик – 96 минг сўм, 6 ойлик – 48 минг сўм.



БУГУНГИ СОНДА:



ЭНДИ СОН ЎТМАЙДИ, СИФАТ КЕРАК, СИФАТ!



"АЛИШЕР НАВОЙЙ" КЕМАСИНИ БИЛАМИЗМИ?



12 ЙИЛДАН СЎНГ... АВВАЛГИ ИШИГА ТИКЛАНГАН АЁЛ









